



# Mesur Addysg (Cymru) 2011

2011 mccc 7

Mesur gan Gynulliad Cenedlaethol Cymru i wneud darpariaeth ar gyfer cydlafurio rhwng awdurdodau lleol, cyrff llywodraethu ysgolion a gynhelir a sefydliadau addysg bellach; gwneud darpariaeth ar gyfer ffedereiddio ysgolion a gynhelir, hyfforddi llywodraethwyr a chlercod cyrff llywodraethu ysgolion a gynhelir a darparu'r cyfryw glercod; gwneud darpariaeth sy'n gwahardd ysgolion sefydledig newydd; ac at ddibenion cysylltiedig.

**Mae'r Mesur hwn, a basiwyd gan Gynulliad Cenedlaethol Cymru ar 29 Mawrth 2011 ac a gymeradwywyd gan Ei Mawrhydi yn Ei Chyngor ar 10 Mai 2011, yn deddfu'r darpariaethau a ganlyn:—**

VALID FROM 16/11/2012

## RHAN 1

### CYDLAFURIO GAN GYRFF ADDYSG

#### 1 Cyrff addysg

At ddibenion y Rhan hon, ystyr “corff addysg” yw—

- (a) awdurdod lleol yng Nghymru;
- (b) corff llywodraethu ysgol a gynhelir yng Nghymru;
- (c) corfforaeth addysg bellach (fel y diffinnir “*further education corporation*” gan adran 17(1) o Ddeddf Addysg Bellach ac Uwch 1992) yng Nghymru;
- (d) corff llywodraethu sefydliad dynodedig (fel y diffinnir “*designated institution*” gan adran 28(4) o'r Ddeddf honno) yng Nghymru, sydd—
  - (i) yn gorff a ymgorfforwyd yn rhinwedd adran 143(5) o Ddeddf Dysgu a Medrau 2000, a
  - (ii) yn darparu addysg lawnamser yn unig neu'n bennaf i bersonau sydd dros oedran ysgol gorfodol ond nad ydynt eto'n 19 oed.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
 Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
 yn hysbys ar gyfer y Mesur Addysg (Cymru) 2011. (See end of Document for details)*

### Gwybodaeth Cychwyn

**I1** A. 1 ddim mewn grym ar Gymeradwyaeth Frenhinol, gweler [a. 33\(2\)](#)

## 2 Amcan y cydlafurio

- (1) Amcan y Rhan hon yw bod adnoddau cyhoeddus yn cael eu defnyddio'n effeithiol ac yn effeithlon gan gorff addysg mewn cysylltiad â darparu addysg a hyfforddiant sy'n addas at anghenion personau nad ydynt eto'n 19 oed.
- (2) Cyfeirir at yr amcan hwn yn y Rhan hon fel “amcan y cydlafurio”.

### Gwybodaeth Cychwyn

**I2** A. 2 ddim mewn grym ar Gymeradwyaeth Frenhinol, gweler [a. 33\(2\)](#)

## 3 Dyletswydd corff addysg i gydlafurio

- (1) Rhaid i gorff addysg ystyried o dro i dro a fyddai arfer ei bwerau cydlafurio yn hyrwyddo amcan y cydlafurio wrth iddo arfer ei swyddogaethau eraill.
- (2) Os daw corff addysg i'r casgliad y byddai arfer pŵer cydlafurio yn hyrwyddo amcan y cydlafurio wrth iddo arfer ei swyddogaethau, rhaid iddo geisio arfer y pŵer, neu beri iddo gael ei arfer.
- (3) Mae'r ddyletswydd yn is-adran (1) yn gymwys i'r cyrff a grybwyllir ym mharagraffau (c) a (d) o adran 1 i'r graddau y mae'n ymwneud â darparu addysg uwchradd ac addysg bellach sy'n addas at anghenion personau nad ydynt eto'n 19 oed.
- (4) Nid yw'r ddyletswydd yn is-adran (1) yn lleihau effaith y dyletswyddau yw—
  - (a) adran 33K o Ddeddf Dysgu a Medrau 2000 (cyflawni hawlogaethau cwricwlwm lleol ar gyfer myfyrwyr 16 i 18 oed: gweithio ar y cyd);
  - (b) adran 116J o Ddeddf Addysg 2002 (cyflawni hawlogaethau cwricwlwm lleol ar gyfer disgyblion yng Nghyfnod Allweddol 4: gweithio ar y cyd);
  - (c) adran 12 o Fesur Llywodraeth Leol (Cymru) 2009 (dyletswydd i bwysu a mesur a fyddai arfer un o'i bwerau cydlafurio yn ei helpu i gyflawni ei ddyletswyddau at ddibenion dyletswyddau o dan y Mesur hwnnw).

### Gwybodaeth Cychwyn

**I3** A. 3 ddim mewn grym ar Gymeradwyaeth Frenhinol, gweler [a. 33\(2\)](#)

## 4 Ystyr “pwerau cydlafurio”

At ddibenion y Rhan hon, ystyr “pwerau cydlafurio” yw—

- (a) y pwerau yn adran 5;
- (b) yn achos awdurdod lleol—
  - (i) ei bŵer i awdurdodi person (neu gyflogeion y person) i arfer swyddogaeth ar ran yr awdurdod o dan orchymyn a wnaed o dan adran 70 o Ddeddf Dadreoleiddio a Chontractio Allan 1994;

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
yn hysbys ar gyfer y Mesur Addysg (Cymru) 2011. (See end of Document for details)*

- (ii) ei bŵer o dan adran 101(1)(b) a (5) o Ddeddf Llywodraeth Leol 1972 (trefniadau ar gyfer cyflawni swyddogaethau awdurdodau lleol);
- (iii) pŵer gweithrediaeth yr awdurdod (neu bwyllgor neu aelod penodedig o'r weithrediaeth) i wneud trefniadau ar gyfer cyflawni ei swyddogaethau o dan reoliadau a wnaed o dan adran 19(1) o Ddeddf Llywodraeth Leol 2000 (trefniadau ar gyfer cyflawni swyddogaethau gweithrediaeth awdurdod lleol gan awdurdod lleol arall etc);
- (iv) pŵer awdurdod i wneud trefniadau ar gyfer cyflawni ei swyddogaethau o dan reoliadau a wnaed o dan adran 19(2) o Ddeddf Llywodraeth Leol 2000 (trefniadau ar gyfer cyflawni swyddogaethau awdurdod lleol gan weithrediaeth etc awdurdod lleol arall).

#### Gwybodaeth Cychwyn

14 A. 4 ddim mewn grym ar Gymeradwyaeth Frenhinol, gweler [a. 33\(2\)](#)

## 5 Pwerau cydlafurio

- (1) Mae gan gorff addysg y pwerau yn is-adran (2) er mwyn cyflawni neu ei gwneud yn hwylus i gyflawni—
  - (a) ei ddyletswydd o dan adran 3,
  - (b) ei ddyletswydd o dan adran 33K o Ddeddf Dysgu a Medrau 2000,
  - (c) ei ddyletswydd o dan adran 116J o Ddeddf Addysg 2002, neu
  - (d) dyletswydd corff addysg arall o dan y darpariaethau hynny.
- (2) Y pwerau yw—
  - (a) darparu cymorth ariannol (p'un ai ar ffurf grant neu fenthyciad) i unrhyw berson;
  - (b) ymrwymo i drefniadau neu gytundebau ag unrhyw berson;
  - (c) cydweithredu â'r person hwnnw, neu hwyluso neu gydgyssylltu ei weithgareddau;
  - (d) arfer (p'un ai ar ei ben ei hun neu ar y cyd) unrhyw un neu rai o swyddogaethau unrhyw berson ar ran y person hwnnw;
  - (e) gwneud trefniadau i unrhyw un neu rai o swyddogaethau'r corff addysg gael ei gyflawni neu eu cyflawni gydag un neu ragor o gyrff addysg eraill, neu gan un neu ragor o gyrff addysg eraill;
  - (f) gwneud trefniadau i unrhyw un neu rai o swyddogaethau'r corff addysg gael ei gyflawni neu eu cyflawni gan gyd-bwyllgorau dau neu ragor o gyrff addysg;
  - (g) darparu staff, nwyddau, gwasanaethau neu lety i unrhyw berson;
  - (h) rhannu a defnyddio gwybodaeth er mwyn arfer unrhyw bwerau cydweithio.
- (3) O ran y pwerau hyn—
  - (a) nid ydynt yn lleihau effaith unrhyw bwerau eraill corff addysg, a
  - (b) maent yn ddarostyngedig i ddarpariaeth a wneir o dan adran 6.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
 Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
 yn hysbys ar gyfer y Mesur Addysg (Cymru) 2011. (See end of Document for details)*

## Gwybodaeth Cychwyn

**I5** A. 5 ddim mewn grym ar Gymeradwyaeth Frenhinol, gweler [a. 33\(2\)](#)

## 6 Rheoliadau ynghylch y pŵer i gydlafurio

- (1) Caiff rheoliadau ddarparu ar gyfer—
- yr amgylchiadau pan na fo'r ddyletswydd yn adran 3(1) yn gymwys;
  - yr amgylchiadau pan na fo'n ofynnol i gorff addysg arfer pwerau cydlafurio, neu pan na chaniateir iddo eu harfer;
  - swyddogaethau corff addysg na chaniateir eu dirprwyo o dan baragraffau (d), (e) ac (f) o adran 5(2);
  - yr amodau y mae'n rhaid eu bodloni i arfer pwerau cydlafurio;
  - y modd y mae swyddogaethau i'w cyflawni o dan drefniadau cydlafurio;
  - unrhyw faterion eraill sy'n berthnasol i arfer pwerau cydlafurio.
- (2) Caiff rheoliadau ddarparu ar gyfer y canlynol—
- bod cyrff addysg yn sefydlu cyd-bwyllgor o'r cyrff hynny at ddibenion trefniadau o dan adran 5(2)(f) (“cyd-bwyllgor”);
  - penodi personau i wasanaethu ar gyd-bwyllgor (gan gynnwys darparu ynghylch y cyfyngiadau neu'r gofynion eraill sy'n ymwneud ag unrhyw benodiadau o'r fath) a'u diswyddo;
  - penodi clerics i gyd-bwyllgor (gan gynnwys darparu ynghylch y cyfyngiadau neu'r gofynion eraill sy'n ymwneud ag unrhyw benodiad o'r fath) a diswyddo'r clerics;
  - bod cyd-bwyllgor yn penodi un o'u plith i weithredu fel clerics at ddibenion cyfarfod pan fo'r clerics yn methu â bod yn bresennol;
  - hawliau personau i fynychu cyfarfodydd cyd-bwyllgor;
  - cyfyngiadau ar bersonau sy'n cymryd rhan mewn trafodion cyd-bwyllgor;
  - diddymu cyd-bwyllgorau;
  - is-bwyllgorau i gyd-bwyllgorau (gan gynnwys darpariaeth i swyddogaethau'r cyd-bwyllgor gael eu harfer gan is-bwyllgor a darpariaeth mewn perthynas ag is-bwyllgorau y caniateir ei gwneud mewn perthynas â chyd-bwyllgor o dan yr adran hon);
  - materion eraill sy'n ymwneud â chyfansoddiad neu weithdrefn cyd-bwyllgor.
- (3) Mae'r pŵer yn is-adran (4) yn gymwys mewn perthynas â'r canlynol—
- swyddogaethau'r cyrff addysg sydd i'w cyflawni o dan baragraffau (d), (e) ac (f) o adran 5(2);
  - y cyrff addysg y mae'r swyddogaethau hynny i'w cyflawni ganddynt.
- (4) Caiff rheoliadau ddarparu bod unrhyw ddeddfiad i gael effaith yn ddarostyngedig i'r holl addasiadau angenrheidiol yn y modd y mae'n gymwys mewn perthynas â'r swyddogaethau hynny a'r cyrff y maent i'w cyflawni ganddynt.

## Gwybodaeth Cychwyn

**I6** A. 6 ddim mewn grym ar Gymeradwyaeth Frenhinol, gweler [a. 33\(2\)](#)

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
yn hysbys ar gyfer y Mesur Addysg (Cymru) 2011. (See end of Document for details)*

## 7 Canllawiau

Wrth arfer ei swyddogaethau o dan y Rhan hon, rhaid i gorff addysg roi sylw i unrhyw ganllawiau a roddir o dro i dro gan Weinidogion Cymru.

### Gwybodaeth Cychwyn

I7 A. 7 ddim mewn grym ar Gymeradwyaeth Frenhinol, gweler [a. 33\(2\)](#)

## 8 Dehongli'r Rhan hon

Yn y Rhan hon—

mae i “amcan y cydlafurio” (“*collaboration objective*”) yr ystyr a roddir gan adran 2;

mae i “corff addysg” (“*education body*”) yr ystyr a roddir gan adran 1;

mae i “pwerau cydlafurio” (“*powers of collaboration*”) yr ystyr a roddir gan adran 4;

ystyr “swyddogaethau” (“*functions*”) yw pwerau a dyletswyddau, ac yn achos awdurdod lleol, pwerau a dyletswyddau sy'n swyddogaethau addysg;

ystyr “trefniadau cydlafurio” (“*collaboration arrangements*”) yw gweithgaredd a gyflawnir wrth arfer pwerau cydlafurio corff addysg;

ystyr “ysgol a gynhelir” (“*maintained school*”) yw ysgol gymunedol, ysgol sefydledig neu ysgol wirfoddol, ysgol arbennig gymunedol neu ysgol arbennig sefydledig, ysgol feithrin a gynhelir neu uned cyfeirio disgyblion.

### Gwybodaeth Cychwyn

I8 A. 8 ddim mewn grym ar Gymeradwyaeth Frenhinol, gweler [a. 33\(2\)](#)

## 9 Mân ddiwygiadau a diwygiadau canlyniadol

(1) Yn adran 57(5A) o Ddeddf Addysg Bellach ac Uwch 1992, yn lle “make collaboration arrangements (within the meaning of section 166 of the Education and Inspections Act 2006) with such bodies” rhodder “exercise powers under section 5(2) (b) to (f) and (h) of the Education (Wales) Measure 2011 to collaborate with such persons”.

(2) Yn adran 33K(5) o Ddeddf Dysgu a Medrau 2000—

(a) ar ôl paragraff (b) mewnosoder—

“(ba) arrangements made in exercise of the powers of collaboration described in section 4 of the Education (Wales) Measure 2011.”;

(b) hepgorer paragraffau (c) a (d).

(3) Yn Neddf Addysg 2002—

(a) yn adran 26(a), ar ôl “schools” mewnosoder “in England”;

(b) yn adran 116J(5)—

(i) ar ôl paragraff (a) mewnosoder—

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

- “(aa) arrangements made in exercise of the powers of collaboration described in section 4 of the Education (Wales) Measure 2011.”;
- (ii) hepgorer paragraffau (b) ac (c).
- (4) Yn adran 166(6) o Ddeddf Addysg ac Arolygiadau 2006—
- (a) yn y diffiniad o “further education body”—
- (i) ar ôl “(c.13)” mewnosoder “in England”;
- (ii) ar ôl “section 28(4) of that Act)” mewnosoder “in England”;
- (b) yn y diffiniad o “maintained school” ar ôl “means” mewnosoder “a school in England which is”;
- (c) yn y diffiniad o “regulations” hepgorer “or the Assembly (in relation to Wales)”.

#### Gwybodaeth Cychwyn

**I9** A. 9 ddim mewn grym ar Gymeradwyaeth Frenhinol, gweler [a. 33\(2\)](#)

VALID FROM 22/08/2013

## RHAN 2

### LLYWODRAETHU YSGOLION

VALID FROM 28/04/2014

## PENNOD 1

### FFEDEREIDDIO YSGOLION A GYNHELIR

#### 10 Ffedereiddio ysgolion gan gyrff llywodraethu

- (1) Mae'r adran hon yn gymwys i gyrff llywodraethu—
- (a) dwy neu ragor o ysgolion a gynhelir,
- (b) ffederasiwn sy'n bodoli eisoes ac un neu ragor o ysgolion a gynhelir, neu
- (c) dau neu ragor o ffederasiynau sy'n bodoli eisoes.
- (2) Caiff cyrff llywodraethu ddarparu i'w priod ysgolion gael eu ffedereiddio.
- (3) Mae'r pŵer hwn yn ddarostyngedig i'r canlynol—
- (a) cydymffurfio ag unrhyw amodau rhagnodedig, a
- (b) arfer y pŵer yn unol ag unrhyw weithdrefn ragnodedig.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
**Newidiadau i ddeddfwriaeth:** Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

## Gwybodaeth Cychwyn

**110** A. 10 ddim mewn grym ar Gymeradwyaeth Frenhinol, gweler **a. 33(2)**

### 11 Cynigion gan awdurdodau lleol i ffedereiddio ysgolion

- (1) Caiff awdurdod lleol wneud cynigion i ffedereiddio—
  - (a) dwy neu ragor o ysgolion a gynhelir;
  - (b) ffederasiwn sy'n bodoli eisoes ac un neu ragor o ysgolion a gynhelir;
  - (c) dau neu ragor o ffederasiynau sy'n bodoli eisoes.
- (2) Rhaid i awdurdod lleol gyhoeddi cynigion a wneir o dan yr adran hon.
- (3) Rhaid i awdurdod lleol, yn unol â rheoliadau, ymgynghori â'r personau canlynol ar y cynigion a gyhoeddir—
  - (a) cyrff llywodraethu ysgolion neu ffederasiynau i'w ffedereiddio;
  - (b) staff yr ysgolion;
  - (c) un neu ragor o gyrrff (os oes) yr ymddengys i'r awdurdod eu bod yn cynrychioli buddiannau staff yr ysgolion;
  - (d) i'r graddau y mae'n ymarferol, disgyblion a gofrestrwyd yn yr ysgolion a'u rhieni.
- (4) Nid yw is-adran (2) na (3) yn gymwys mewn perthynas â chynnig ar gyfer ffederasiwn a ffurfir o ysgolion bach yn unig.
- (5) Mewn perthynas â chynnig ar gyfer ffederasiwn a ffurfir o ysgolion bach yn unig, rhaid i'r awdurdod lleol, yn unol â rheoliadau, ymgynghori â chyrff llywodraethu'r ysgolion dan sylw.
- (6) Ystyr “ysgol fach” yn is-adrannau (4) a (5) yw ysgol a gynhelir sydd, ar y dyddiad y gwneir y cynnig o dan is-adran (1), yn ysgol fach a gynhelir yn ôl y diffiniad mewn gorchymyn o dan adran 15.
- (7) Rhaid i awdurdod lleol, yn unol â rheoliadau, benderfynu p'un ai—
  - (a) cadarnhau cynigion, gyda neu heb addasiad neu'n ddarostyngedig i ddiwyddiad, neu
  - (b) eu tynnu'n ôl.
- (8) Caiff awdurdod lleol wneud cynigion ar gyfer ffederasiwn sy'n cynnwys ysgol a gynhelir a honno'n ysgol nad yw'n ei chynnal cyhyd â bod yr awdurdod lleol sy'n cynnal yr ysgol yn cydsynio.
- (9) Caiff awdurdod lleol wneud cynigion ar gyfer ffederasiwn sy'n cynnwys ysgol sefydledig neu wirfoddol cyhyd â bod y personau canlynol yn cydsynio—
  - (a) yn achos un o ysgolion yr Eglwys yng Nghymru neu un o ysgolion yr Eglwys Gatholig Rufeinig, yr awdurdod esgobaethol priodol, a
  - (b) yn achos unrhyw ysgol sefydledig neu wirfoddol arall, y person neu'r personau y penodwyd y llywodraethwyr sefydledig ganddynt.
- (10) Caiff rheoliadau wneud darpariaeth bellach ynghylch cynigion o dan yr adran hon ac (ymhlith pethau eraill) gwneud darpariaeth ynghylch—

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
 Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
 yn hysbys ar gyfer y Mesur Addysg (Cymru) 2011. (See end of Document for details)*

- (a) sicrhau cydsyniad personau rhagnodedig i wneud, cyhoeddi neu gadarnhau cynigion;
- (b) yr wybodaeth sydd i'w chynnwys yn y cynigion, neu sydd i'w darparu mewn perthynas â hwy;
- (c) cyhoeddi cynigion;
- (d) ymgynghori ynghylch y cynigion;
- (e) gwneud gwrthwynebiadau i'r cynigion neu sylwadau ar y cynigion;
- (f) tynnu'r cynigion yn ôl neu eu haddasu;
- (g) y modd y mae'r awdurdod lleol i gadarnhau'r cynigion.

### Gwybodaeth Cychwyn

**111** A. 11 ddim mewn grym ar Gymeradwyaeth Frenhinol, gweler [a. 33\(2\)](#)

## 12 Gweithredu cynigion o dan adran 11

- (1) Mae'r adran hon yn gymwys i gynigion o dan adran 11.
- (2) Rhaid i gynigion sydd wedi eu cadarnhau gael eu gweithredu gan y personau a grybwyllir yn is-adran (3), yn ôl eu trefn, i'r graddau (os o gwbl) y mae'r cynigion yn darparu i bob un ohonynt wneud hynny.
- (3) Dyma'r personau—
  - (a) yr awdurdod lleol sy'n cynnal ysgol sy'n ddarostyngedig i'r cynigion;
  - (b) corff llywodraethu ysgol sy'n ddarostyngedig i'r cynigion;
  - (c) unrhyw bersonau eraill a ragnodir.
- (4) Rhaid gweithredu cynigion sydd wedi eu cadarnhau fel y'u cadarnhawyd, yn ddarostyngedig i'r is-adrannau a ganlyn.
- (5) Ar gais personau rhagnodedig, caiff yr awdurdod lleol a wnaeth y cynigion—
  - (a) addasu'r cynigion ar ôl ymgynghori ag unrhyw bersonau a ragnodir, a
  - (b) os cafodd unrhyw gadarnhad ei roi yn ddarostyngedig i ddigwyddiad penodedig, bennu dyddiad diweddarach erbyn pryd y mae'n rhaid i'r digwyddiad o dan sylw ddigwydd.
- (6) Caiff awdurdod lleol a wnaeth y cynigion benderfynu bod is-adran (2) i beidio â bod yn gymwys i'r cynigion os caiff ei fodloni—
  - (a) y byddai gweithredu'r cynigion yn afresymol o anodd, neu
  - (b) bod yr amgylchiadau wedi newid cymaint ers i'r cadarnhad gael ei roi y byddai'n amhriodol gweithredu'r cynigion.
- (7) Os yw'n ofynnol o dan reoliadau iddo wneud hynny, rhaid i awdurdod lleol ymgynghori neu sicrhau cydsyniad unrhyw bersonau a ragnodir cyn gwneud penderfyniad o dan is-adran (6).

### Gwybodaeth Cychwyn

**112** A. 12 ddim mewn grym ar Gymeradwyaeth Frenhinol, gweler [a. 33\(2\)](#)



*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
**Newidiadau i ddeddfwriaeth:** Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

## PROSPECTIVE

### 13 Corff llywodraethu sengl ar gyfer ffederasiynau

O ran ffederasiwn—

- (a) rhaid bod ganddo gorff llywodraethu sengl sydd wedi ei gyfansoddi o dan offeryn llywodraethu sengl;
- (b) mewn achosion rhagnodedig, rhaid iddo gael ei drin fel ysgol sengl at ddibenion unrhyw ddeddfiadau a ragnodir, ac eithrio unrhyw ddeddfiad a gynhwysir [<sup>F1</sup>yn Rhan 3 o Ddeddf Safonau a Threfniadaeth Ysgolion (Cymru) 2013 (trefniadaeth ysgolion) neu yn Rhan 3 o Ddeddf Safonau a Fframwaith Ysgolion 1998 (derbyniadau i ysgolion)]

#### Diwygiadau Testunol

- F1** Geiriau yn a. 13(b) wedi eu hamnewid (1.10.2013) gan Deddf Safonau a [Threfniadaeth Ysgolion \(Cymru\) 2013 \(anaw 1\)](#), a. 100(4), **Atod. 5 para. 29(3)**; O.S. 2013/1800, **ergl. 3(j)**

#### Gwybodaeth Cychwyn

- I13** A. 13 ddim mewn grym ar Gymeradwyaeth Frenhinol, gweler **a. 33(2)**

### 14 Rheoliadau mewn perthynas â ffederasiynau

(1) Caiff rheoliadau wneud darpariaeth—

- (a) ynghylch diddymu cyrff llywodraethu adeg ffurfio ffederasiwn;
- (b) sy'n galluogi corff llywodraethu ffederasiwn i barhau i fodoli fel corff corfforaethol pan fo un neu ragor o ysgolion yn ymuno â'r ffederasiwn neu'n ymadael ag ef;
- (c) ynghylch ym mha amgylchiadau ac ym mha fodd y caniateir i ffederasiwn gael ei ddiddymu, neu i un neu ragor o ysgolion ymadael â ffederasiwn;
- (d) sy'n galluogi corff llywodraethu ffederasiwn a ddiddymwyd i gael ei ddisodli naill ai gan gyrff llywodraethu ar gyfer pob un o'r ysgolion cyfansoddol neu gan gyrff llywodraethu sy'n cynnwys corff llywodraethu ffederasiwn newydd;
- (e) ynghylch y trosi o un corff llywodraethu i un arall;
- (f) ynghylch trosglwyddo eiddo, hawliau a rhwymedigaethau rhwng cyrff llywodraethu, neu rhwng awdurdodau lleol a chyrff llywodraethu;
- (g) ynghylch unrhyw faterion eraill sy'n ymwneud â ffederasiynau, ysgolion ffederal neu ffurfio neu ddiddymu ffederasiynau y mae Gweinidogion Cymru yn barnu eu bod yn briodol.

(2) Caiff rheoliadau a wneir yn rhinwedd is-adran (1)(f) mewn perthynas â throsglwyddo eiddo, hawliau a rhwymedigaethau—

- (a) darparu bod materion rhagnodedig yn cael eu penderfynu gan Weinidogion Cymru,
- (b) cymhwyso gydag addasiadau unrhyw ddarpariaeth yn Atodlen 10 i Ddeddf Diwygio Addysg 1988 (darpariaethau atodol mewn cysylltiad â throsglwyddiadau o dan y Ddeddf honno), neu

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn. Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

- (c) gwneud darpariaeth sy'n cyfateb i'r hyn a wnaed gan unrhyw ddarpariaeth yn yr Atodlen honno.

#### Gwybodaeth Cychwyn

**I14** A. 14 ddim mewn grym ar Gymeradwyaeth Frenhinol, gweler [a. 33\(2\)](#)

### 15 Dull adnabod at ddibenion y Bennod hon ysgolion bach a gynhelir yng Nghymru

- (1) Caiff Gweinidogion Cymru wneud darpariaeth drwy orchymyn i ddiffinio ysgol fach a gynhelir drwy gyfeirio at nifer penodedig o ddisgyblion sydd wedi eu cofrestru mewn ysgol ar ddyddiad penodedig mewn unrhyw flwyddyn.
- (2) Mae gorchymyn o dan yr adran hon yn gymwys at ddibenion darpariaeth o dan y Bennod hon.
- (3) Yn yr adran hon, ystyr "penodedig" yw wedi ei bennu mewn gorchymyn a wnaed gan Weinidogion Cymru.

#### Gwybodaeth Cychwyn

**I15** A. 15 ddim mewn grym ar Gymeradwyaeth Frenhinol, gweler [a. 33\(2\)](#)

PROSPECTIVE

### <sup>F2</sup>16 Ffedereiddio ysgolion sy'n peri pryder drwy gyfarwyddyd gan Weinidogion Cymru

.....

#### Diwygiadau Testunol

**F2** A. 16 wedi ei hepgor (20.2.2014) yn rhinwedd Deddf Safonau a Threfniadaeth Ysgolion (Cymru) 2013 (anaw 1), a. 100(4), **Atod. 5 para. 13(2)**; O.S. 2014/178, **ergl. 2(f)** (ynghyd ag ergl. 3)

#### Gwybodaeth Cychwyn

**I16** A. 16 ddim mewn grym ar Gymeradwyaeth Frenhinol, gweler [a. 33\(2\)](#)

### 17 Canllawiau a roddir gan Weinidogion Cymru

Wrth arfer eu swyddogaethau o dan y Bennod hon, rhaid i awdurdod lleol a chorff llywodraethu ysgol a gynhelir roi sylw i ganllawiau a roddir o dro i dro gan Weinidogion Cymru.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
**Newidiadau i ddeddfwriaeth:** Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

## Gwybodaeth Cychwyn

**I17** A. 17 ddim mewn grym ar Gymeradwyaeth Frenhinol, gweler [a. 33\(2\)](#)

PROSPECTIVE

## 18 Ffederasiynau: darpariaethau atodol

- (1) Caiff rheoliadau wneud darpariaeth at ddibenion y Bennod hon i addasu unrhyw ddarpariaeth sydd wedi ei chynnwys yn—
  - [<sup>F3</sup>(a) Pennod 1 o Ran 2 o Ddeddf Safonau a Threfniadaeth Ysgolion (Cymru) 2013 (ymyrryd ym materion rhedeg ysgolion a gynhelir), neu]
  - (b) adrannau 49 i 51 [<sup>F4</sup>o Ddeddf Safonau a Fframwaith Ysgolion 1998] , ac Atodlen 15 iddi (dirprwyo ariannol),wrth gymhwyso'r ddarpariaeth i ysgolion ffederal neu eu cyrff llywodraethu.
- (2) Mae'r addasiadau y caniateir eu gwneud yn rhinwedd is-adran (1) yn cynnwys, ymhlith pethau eraill, addasiadau—
  - (a) sy'n galluogi'r pwerau a roddwyd gan y darpariaethau y cyfeiriwyd atynt yn yr is-adran honno i gael eu harfer mewn perthynas â'r holl ysgolion mewn ffederasiwn hyd yn oed os nad yw'r amgylchiadau, y mae'r pwerau yn arferadwy drwy gyfeirio atynt, yn bodoli ond mewn perthynas ag un neu ragor o'r ysgolion hynny, a
  - (b) sy'n ei gwneud yn ofynnol i ddosrannu unrhyw gostau neu dreuliau a dynnir gan gorff llywodraethu ffederasiwn.
- (3) Caiff rheoliadau wneud darpariaeth sy'n addasu unrhyw ddeddfiad sy'n ymwneud ag ysgolion o fewn categori penodol, neu â chyrff llywodraethu ysgolion o fewn categori penodol, wrth gymhwyso'r deddfiad i ysgolion sy'n ffurfio rhan o ffederasiwn neu i gyrff llywodraethu ffederasiynau.
- (4) Yn is-adran (3), mae cyfeiriadau at gategoriâu o ysgolion a gynhelir yn gyfeiriadau at y categorïau a nodir yn adran 20(1) o Ddeddf Safonau a Fframwaith Ysgolion 1998.

## Diwygiadau Testunol

- F3** A. 18(1)(a) wedi ei amnewid (20.2.2014) gan [Deddf Safonau a Threfniadaeth Ysgolion \(Cymru\) 2013 \(anaw 1\)](#), a. 100(4), [Atod. 5 para. 13\(3\)\(a\)](#); O.S. 2014/178, [ergl. 2\(f\)](#) (ynghyd ag [ergl. 3](#))
- F4** Geiriau yn a. 18(1)(b) wedi eu hamnewid (20.2.2014) gan [Deddf Safonau a Threfniadaeth Ysgolion \(Cymru\) 2013 \(anaw 1\)](#), a. 100(4), [Atod. 5 para. 13\(3\)\(b\)](#); O.S. 2014/178, [ergl. 2\(f\)](#) (ynghyd ag [ergl. 3](#))

## Gwybodaeth Cychwyn

**I18** A. 18 ddim mewn grym ar Gymeradwyaeth Frenhinol, gweler [a. 33\(2\)](#)

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
 Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
 yn hysbys ar gyfer y Mesur Addysg (Cymru) 2011. (See end of Document for details)*

## 19 Mân ddiwygiadau a diwygiadau canlyniadol i Ddeddf Addysg 2002

- (1) Mae Deddf Addysg 2002 wedi ei diwygio fel a ganlyn.
- (2) Yn adran 19—
- (a) yn is-adran (8), o flaen “Subsection (1)” mewnosoder “In relation to maintained schools in England,”;
- (b) ar ôl is-adran (8), mewnosoder—
- “(9) In relation to maintained schools in Wales, subsection (1) has effect subject to Chapter 1 of Part 2 of the Education (Wales) Measure 2011; and regulations under this section may include provision with respect to the governing bodies of federations (within the meaning of section 21(1) of that Measure).”
- (3) Yn adran 20—
- (a) yn is-adran (4), o flaen “Subsection (1)” mewnosoder “In relation to maintained schools in England,”;
- (b) ar ôl is-adran (4), mewnosoder—
- “(4A) In relation to maintained schools in Wales, subsection (1) has effect subject to Chapter 1 of Part 2 of the Education (Wales) Measure 2011; and regulations under subsection (2) may include provision with respect to instruments of government for federations (within the meaning of section 21(1) of that Measure).”
- (4) Yn adran 24—
- (a) yn is-adran (1)(a), ar ôl “schools” mewnosoder “in England”;
- (b) yn is-adran (1)(b), ar ôl “schools” mewnosoder “in England”;
- (c) yn is-adran (2), ar ôl “schools” mewnosoder “in England”;
- (d) yn is-adran (4)(g) hepgorer “, or as the case may be the National Assembly for Wales,”;
- (e) yn is-adran (5)(a) hepgorer “or the National Assembly for Wales”.
- (5) Yn adran 25(1)—
- (a) hepgorer paragraff (a);
- (b) ym mharagraff (b), ar ôl “federated schools” mewnosoder “in England”.
- (6) Yn adran 39(1), ar ôl “federated school” mewnosoder “in relation to England”.
- (7) Ym mharagraff 5 o Atodlen 1, ar ôl is-baragraff (1) mewnosoder—
- “(1A) Sub-paragraph (1) does not apply if—
- (a) the school is a federated school in Wales, and
- (b) immediately after the discontinuance date, there will be more than one other school remaining in the federation.
- (1B) “Federation” in sub-paragraph (1A) means a group of schools that are federated by virtue of Chapter 1 of Part 2 of the Education (Wales) Measure 2011 or were federated by virtue of section 24 before the coming into force of that Chapter, and “federated school” means a school forming part of a federation.”

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

### Gwybodaeth Cychwyn

**119** A. 19 ddim mewn grym ar Gymeradwyaeth Frenhinol, gweler [a. 33\(2\)](#)

PROSPECTIVE

## **F<sup>5</sup>20** Mân ddiwygiadau a diwygiadau canlyniadol i Ddeddf Addysg 2005

### Diwygiadau Testunol

**F5** A. 20 wedi ei hepgor (1.10.2013) yn rhinwedd [Deddf Safonau a Threfniadaeth Ysgolion \(Cymru\) 2013 \(anaw 1\)](#), a. 100(4), [Atod. 5 para. 29\(4\)](#); O.S. 2013/1800, [ergl. 3\(j\)](#)

### Gwybodaeth Cychwyn

**120** A. 20 ddim mewn grym ar Gymeradwyaeth Frenhinol, gweler [a. 33\(2\)](#)

PROSPECTIVE

## **21** Dehongli'r Bennod hon

(1) Yn y Bennod hon—

ystyr “awdurdod lleol” (“*local authority*”) yw awdurdod lleol yng Nghymru;

ystyr “ffederasiwn” (“*federation*”) yw grŵp o ysgolion yng Nghymru sydd wedi eu ffedereiddio yn rhinwedd y Bennod hon neu a oedd wedi eu ffedereiddio yn rhinwedd adran 24 o Ddeddf Addysg 2002 cyn i'r Bennod hon ddod i rym, ac ystyr “ysgol ffederal” (“*federated school*”) yw ysgol sy'n ffurfio rhan o ffederasiwn;

ystyr “ysgol a gynhelir” (“*maintained school*”) yw ysgol yng Nghymru sy'n ysgol gymunedol, ysgol sefydledig neu ysgol wirfoddol, ysgol gymunedol arbennig <sup>F6</sup>... neu ysgol feithrin a gynhelir.

(2) Mewn unrhyw ddeddfiad—

(a) mae unrhyw gyfeiriad at gorff llywodraethu neu lywodraethwyr ysgol i'w ddehongli, mewn perthynas ag ysgol ffederal, fel cyfeiriad at gorff llywodraethu neu lywodraethwyr y ffederasiwn, a

(b) mae unrhyw gyfeiriad at offeryn llywodraethu ysgol i'w ddehongli, mewn perthynas ag ysgol ffederal, fel cyfeiriad at offeryn llywodraethu'r ffederasiwn.

### Diwygiadau Testunol

**F6** Geiriau yn a. 21(1) wedi eu hepgor (1.10.2013) yn rhinwedd [Deddf Safonau a Threfniadaeth Ysgolion \(Cymru\) 2013 \(anaw 1\)](#), a. 100(4), [Atod. 5 para. 29\(5\)](#); O.S. 2013/1800, [ergl. 3\(j\)](#)

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)  
 Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu  
 yn hysbys ar gyfer y Mesur Addysg (Cymru) 2011. (See end of Document for details)*

### Gwybodaeth Cychwyn

**I21** A. 21 ddim mewn grym ar Gymeradwyaeth Frenhinol, gweler [a. 33\(2\)](#)

## PENNOD 2

### HYFFORDDIANT I LYWODRAETHWYR A CHLERCOD A DARPARU CLERCOD

#### 22 Gwybodaeth a hyfforddiant i lywodraethwyr ysgolion a gynhelir

- (1) Rhaid i awdurdod lleol yng Nghymru sicrhau y darperir, yn rhad ac am ddim, i bob llywodraethwr unrhyw wybodaeth y mae'r awdurdod lleol yn barnu ei bod yn briodol mewn cysylltiad â chyflawni swyddogaethau llywodraethwr.
- (2) Mae'r ddyletswydd hon yn gymwys i'r graddau nad yw'n ofynnol fel arall i'r awdurdod lleol sicrhau bod y cyfryw wybodaeth yn cael ei darparu.
- (3) Caiff rheoliadau ei gwneud yn ofynnol i awdurdod lleol yng Nghymru sicrhau y darperir, yn rhad ac am ddim, hyfforddiant rhagnodedig i lywodraethwyr rhagnodedig ysgolion a gynhelir.
- (4) Caniateir i hyfforddiant gael ei ragnodi drwy gyfeirio at ddogfen a gyhoeddir, fel a bennir yn y rheoliadau, gan Weinidogion Cymru.
- (5) Nid yw gofynion rheoliadau o dan is-adran (3) yn lleihau effaith y ddyletswydd a ganlyn.
- (6) Rhaid i awdurdod lleol yng Nghymru sicrhau bod unrhyw hyfforddiant y mae'n barnu ei fod yn angenrheidiol yn cael ei roi ar gael i bob llywodraethwr, yn rhad ac am ddim, er mwyn i swyddogaethau'r llywodraethwr gael eu cyflawni'n effeithiol.
- (7) Yn yr adran hon, ystyr "llywodraethwr" yw llywodraethwr ysgol a gynhelir yn ardal yr awdurdod lleol.
- (8) Yn adran 22 o Ddeddf Addysg 2002, ar ôl "authority" mewnosoder "in England".

### Gwybodaeth Cychwyn

**I22** A. 22 ddim mewn grym ar Gymeradwyaeth Frenhinol, gweler [a. 33\(2\)](#)

#### 23 Dyletswydd awdurdodau lleol i ddarparu clerod i gyrff llywodraethu ysgolion a gynhelir

- (1) Rhaid i awdurdod lleol yng Nghymru hysbysu, o dro i dro, bob corff y mae'n ofynnol iddo benodi clerod i gorff llywodraethu ysgol a gynhelir yn ardal yr awdurdod lleol o dan adran 23 o Ddeddf Addysg 2002 y caiff y corff hwnnw ofyn i'r awdurdod ddarparu person i'w benodi'n glerc.
- (2) Caiff rheoliadau ei gwneud yn ofynnol i awdurdod lleol yng Nghymru ddarparu person i'w benodi os gwneir cais.
- (3) Caiff y rheoliadau (ymhlith pethau eraill)—

*Statws* Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
*Newidiadau i ddeddfwriaeth:* Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)

- (a) rhoi pŵer i awdurdod lleol godi ffi am ddarparu person (gan gynnwys pŵer i godi ffioedd gwahanol mewn achosion gwahanol);
- (b) rhagnodi'r person y mae'n rhaid i'r ffi gael ei thalu drwyddo;
- (c) darparu ar gyfer eithriadau ac esemptiadau.

#### Gwybodaeth Cychwyn

**I23** A. 23 ddim mewn grym ar Gymeradwyaeth Frenhinol, gweler [a. 33\(2\)](#)

### 24 Hyfforddiant i glercod cyrff llywodraethu ysgolion a gynhelir

- (1) Mae is-adran (2) yn gymwys mewn perthynas â chorff y mae'n ofynnol iddo benodi clerc i gorff llywodraethu ysgol a gynhelir yng Nghymru o dan adran 23 o Ddeddf Addysg 2002.
- (2) Caiff rheoliadau ei gwneud yn ofynnol i'r corff sicrhau bod person a benodir yn glerc wedi cwblhau hyfforddiant rhagnodedig yn ôl safon rhagnodedig.
- (3) Caiff y rheoliadau—
  - (a) gwahardd penodi person nad yw wedi cwblhau'r hyfforddiant yn ôl y safon ofynnol;
  - (b) darparu bod person a benodwyd yn glerc, ac nad yw wedi cwblhau'r hyfforddiant, yn cwblhau'r hyfforddiant yn ôl y safon ofynnol o fewn cyfnod rhagnodedig;
  - (c) darparu ar gyfer terfynu penodiad clerc nad yw'n cwblhau'r hyfforddiant yn ôl y safon ofynnol o fewn y cyfnod hwnnw;
  - (d) rhagnodi hyfforddiant a safonau drwy gyfeirio at ddogfen a gyhoeddir, fel a bennir yn y rheoliadau, gan Weinidogion Cymru;
  - (e) darparu ar gyfer eithriadau ac esemptiadau.

#### Gwybodaeth Cychwyn

**I24** A. 24 ddim mewn grym ar Gymeradwyaeth Frenhinol, gweler [a. 33\(2\)](#)

### 25 Dyletswydd awdurdodau lleol i sicrhau bod hyfforddiant ar gael i glercod

- (1) Rhaid i awdurdod lleol yng Nghymru sicrhau bod unrhyw hyfforddiant y mae'r awdurdod yn barnu ei fod yn angenrheidiol yn cael ei roi ar gael i bob person sy'n cael ei benodi'n glerc i alluogi'r corff a benododd y clerc o dan adran 23 o Ddeddf Addysg 2002 i gydymffurfio ag unrhyw ofyniad o dan adran 24 o'r Mesur hwn.
- (2) Caiff awdurdod lleol yng Nghymru godi ffi am unrhyw hyfforddiant a ddarperir (a chaiff godi ffioedd gwahanol mewn achosion gwahanol).
- (3) Yn yr adran hon, ystyr "clerc" yw clerc i gorff llywodraethu ysgol a gynhelir yn ardal yr awdurdod lleol.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
 Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

### Gwybodaeth Cychwyn

**I25** A. 25 ddim mewn grym ar Gymeradwyaeth Frenhinol, gweler **a. 33(2)**

## RHAN 3

### YSGOLION SEFYDLEDIG

#### 26 Gwahardd sefydlu ysgolion sefydledig newydd

(1) Mae Deddf Safonau a Fframwaith Ysgolion 1998 wedi ei diwygio fel a ganlyn.

(2) Yn adran 28—

- (a) yn is-adran (1)(a), hepgorer “or foundation school”;
- (b) yn is-adran (2)(a), hepgorer “foundation or”;
- (c) ar ôl is-adran (2), mewnosoder—

“(2A) A local authority or promoters may not publish proposals for the establishment of a new foundation school in Wales.”

(3) Ym mharagraff 13(1) o Atodlen 6, yn lle “such” rhodder “voluntary controlled”.

(4) Yn adran 113A(4)(a) o Ddeddf Dysgu a Medrau 2000, hepgorer “foundation.”.

### Gwybodaeth Cychwyn

**I26** A. 26 mewn grym ar 10.7.2011, gweler **a. 33(1)**

#### 27 Gwahardd newid categori i ysgol sefydledig

(1) Mae Atodlen 8 i Ddeddf Safonau a Fframwaith Ysgolion 1998 (newidiadau categori ysgol) wedi ei diwygio fel a ganlyn.

(2) Ym mharagraff 1—

- (a) hepgorer is-baragraff (1);
- (b) hepgorer paragraff (b) o is-baragraff (2);
- (c) ar ôl is-baragraff (2) mewnosoder—

“(2A) A foundation school may in accordance with this Schedule become a school within any of the following categories in pursuance of proposals published by the governing body—

- (a) a community school;
- (b) a voluntary aided school;
- (c) a voluntary controlled school.”

(3) Ym mharagraff 3—

- (a) yn is-baragraff (2), hepgorer “If the proposals are published during the period mentioned in section 35(2),”;
- (b) hepgorer is-baragraff (3).



*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.  
**Newidiadau i ddeddfwriaeth:** Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

#### Gwybodaeth Cychwyn

**I27** A. 27 mewn grym ar 10.7.2011, gweler [a. 33\(1\)](#)

### 28 Arbedion: cynigion i sefydlu ysgolion sefydledig newydd

- (1) Mae is-adrannau (2) a (3) yn gymwys i gynnig gan awdurdod lleol neu unrhyw berson arall i sefydlu ysgol sefydledig newydd pan fo'r cynnig—
  - (a) wedi ei gyhoeddi o dan adran 28 o Ddeddf Safonau a Fframwaith Ysgolion 1998 cyn bod adran 26 wedi dod i rym, a
  - (b) heb gael ei weithredu'n unol ag Atodlen 6 i'r Ddeddf honno cyn bod adran 26 wedi dod i rym.
- (2) Nid oes dim yn adran 26 yn effeithio ar weithrediad darpariaethau Rhannau 2 a 3 o Atodlen 6 i Ddeddf Safonau a Fframwaith Ysgolion 1998 mewn perthynas â'r cynnig.
- (3) Mae paragraff 13(1) o Atodlen 6 i Ddeddf Safonau a Fframwaith Ysgolion 1998 yn cael effaith fel pe na bai'r diwygiad yn adran 26(3) wedi ei ddeddfu.

#### Gwybodaeth Cychwyn

**I28** A. 28 mewn grym ar 10.7.2011, gweler [a. 33\(1\)](#)

### 29 Arbedion: cynigion i newid categori i ysgol sefydledig

- (1) Mae is-adran (2) yn gymwys i gynnig gan awdurdod lleol neu gorff llywodraethu ysgol a gynhelir i newid categori ysgol a gynhelir i ysgol sefydledig pan fo'r cynnig—
  - (a) wedi ei gyhoeddi o dan baragraff 2 o Atodlen 8 i Ddeddf Safonau a Fframwaith Ysgolion 1998 cyn bod adran 27 wedi dod i rym, a
  - (b) heb gael ei weithredu yn unol â rheoliadau a wnaed o dan baragraff 5 o Atodlen 8 i'r Ddeddf honno cyn bod adran 27 wedi dod i rym.
- (2) Mae Atodlen 8 i Ddeddf Safonau a Fframwaith Ysgolion 1998 yn cael effaith fel pe na bai'r diwygiadau yn adran 27 wedi eu deddfu.
- (3) Yn yr adran hon, ystyr “ysgol a gynhelir” yw—
  - (a) ysgol gymunedol,
  - (b) ysgol wirfoddol a gynorthwyir, neu
  - (c) ysgol wirfoddol a reolir.

#### Gwybodaeth Cychwyn

**I29** A. 29 mewn grym ar 10.7.2011, gweler [a. 33\(1\)](#)

### 30 Pwerau atodol

- (1) Caiff Gweinidogion Cymru, ar unrhyw adeg drwy orchymyn, wneud—
  - (a) darpariaeth atodol, cysylltiedig neu ganlyniadol, neu
  - (b) darpariaeth drosiannol, darpariaeth dros dro neu ddarpariaeth arbed.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon)*

*Measure yn cynnwys darpariaethau nad ydynt yn ddilys ar gyfer y pwynt mewn amser hwn.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

- (2) Dim ond os yw Gweinidogion Cymru yn barnu ei bod yn angenrheidiol neu'n hwylus at ddibenion adrannau 26 i 29, o ganlyniad i'r adrannau hynny, neu er mwyn rhoi effaith lawn iddynt, y cânt wneud y cyfryw ddarpariaeth.
- (3) Caiff gorchymyn, ymhlith pethau eraill, wneud darpariaeth sy'n diwygio neu'n dirymu unrhyw is-ddeddfwriaeth (o fewn ystyr Deddf Dehongli 1978) sydd wedi ei gwneud cyn pasio'r Mesur hwn.

#### Gwybodaeth Cychwyn

**I30** A. 30 mewn grym ar 10.7.2011, gweler [a. 33\(1\)](#)

## RHAN 4

### CYFFREDINOL

#### 31 Dehongli'n gyffredinol

- (1) Yn y Mesur hwn—
  - ystyr “deddfiad” (“*enactment*”) yw unrhyw un neu ragor o'r canlynol, pryd bynnag y cawsant eu pasio neu eu gwneud—
    - (a) Deddf Seneddol;
    - (b) Mesur neu Ddeddf gan Gynulliad Cenedlaethol Cymru;
    - (c) is-ddeddfwriaeth yn ystyr adran 21(1) o Ddeddf Dehongli 1978, gan gynnwys is-ddeddfwriaeth a wneir o dan unrhyw Fesur neu Ddeddf gan Gynulliad Cenedlaethol Cymru;
    - (d) darpariaeth mewn unrhyw Ddeddf neu Fesur neu is-ddeddfwriaeth o'r fath;
      - ystyr “rhagnodedig” (“*prescribed*”) yw rhagnodedig mewn rheoliadau;
      - ystyr “rheoliadau” (“*regulations*”) yw rheoliadau a wnaed gan Weinidogion Cymru.
- (2) Yn ddarostyngedig i is-adran (3), mae Deddf Addysg 1996 a darpariaethau'r Mesur hwn i'w darllen fel petai'r darpariaethau hynny wedi eu cynnwys yn Neddf Addysg 1996.
- (3) Pan roddir, at ddibenion unrhyw ddarpariaeth yn y Mesur hwn, ystyr gwahanol i ymadrodd i'r un a roddwyd iddo at ddibenion Deddf Addysg 1996, bydd yr ystyr a roddir at ddibenion y ddarpariaeth honno yn gymwys yn lle'r un a roddwyd at ddibenion y Ddeddf honno.

#### Gwybodaeth Cychwyn

**I31** A. 31 mewn grym ar 10.7.2011, gweler [a. 33\(1\)](#)

#### 32 Gorchymynion a rheoliadau

- (1) Mae unrhyw bŵer gan Weinidogion Cymru i wneud gorchymyn neu reoliadau o dan y Mesur hwn yn arferadwy drwy offeryn statudol.

*Statws Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.*  
**Newidiadau i ddeddfwriaeth:** *Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011. (See end of Document for details)*

- (2) Mae unrhyw bŵer gan Weinidogion Cymru i wneud gorchymyn neu reoliadau o dan y Mesur hwn yn cynnwys pŵer—
- i wneud darpariaeth wahanol ar gyfer achosion gwahanol neu ddsbarthau gwahanol o achos, ardaloedd gwahanol neu ddibenion gwahanol;
  - i wneud darpariaeth yn gyffredinol neu'n ddarostyngedig i esemptiadau neu eithriadau penodedig neu mewn perthynas ag achosion penodol neu ddsbarthau penodol o achos yn unig;
  - i wneud unrhyw ddarpariaethau cysylltiedig, atodol, dros dro, trosiannol neu ddarpariaethau arbed fel y gwêl Gweinidogion Cymru yn dda.
- (3) Mae unrhyw offeryn statudol sy'n cynnwys rheoliadau a wneir o dan y Mesur hwn neu orchymyn a wneir o dan adran 15 neu 30 yn ddarostyngedig i'w ddiddymu yn unol â phenderfyniad gan Gynulliad Cenedlaethol Cymru.

#### Gwybodaeth Cychwyn

**I32** A. 32 mewn grym ar 10.7.2011, gweler [a. 33\(1\)](#)

### 33 Cychwyn

- (1) Mae darpariaethau canlynol y Mesur hwn yn dod i rym ar ddiwedd cyfnod o ddeufis sy'n dechrau ar y diwrnod y cymeradwyir y Mesur hwn gan Ei Mawrhydi yn y Cyfrin Gyngor—
- adrannau 26 i 32;
  - yr adran hon;
  - adran 34.
- (2) Daw gweddill darpariaethau'r Mesur hwn i rym yn unol â darpariaeth a wneir gan Weinidogion Cymru drwy orchymyn.

#### Gwybodaeth Cychwyn

**I33** A. 33 mewn grym ar 10.7.2011, gweler [a. 33\(1\)](#)

### 34 Enw byr a chynnwys y Mesur yn y Ddeddfau Addysg

- Enw'r Mesur hwn yw Mesur Addysg (Cymru) 2011.
- Mae'r Mesur hwn i'w gynnwys yn y rhestr o Ddeddfau Addysg a osodir yn adran 578 o Ddeddf Addysg 1996.

#### Gwybodaeth Cychwyn

**I34** A. 34 mewn grym ar 10.7.2011, gweler [a. 33\(1\)](#)

**Statws**

Golwg cyfnod mewn amser fel yr oedd ar 10/07/2011. Mae'r fersiwn hon o'r hwn (hon) Measure yn cynnwys darpariaethau nad ydynt yn ddilys ar gyfer y pwynt mewn amser hwn.

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Addysg (Cymru) 2011.